



Publicaziuns officialas dils 04-02-2022

Damondas da baghegiar

Nr. 08/2022

Datum da publicaziun: 04-02-2022
Patrun: Cathomas Martin, 7173 Surrein
Liug e parcella: Surrein-Val; 6751
Object: spazzar mir e reconstruir il mir dil clavau

Nr. 09/2022

Datum da publicaziun: 04-02-2022
Patrun: Walter Jacqueline, 7172 Rabius
Liug e parcella: Rabius-Cavivens; 502
Object: construcziun d'ina casetta da velos

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 04-02-2022

Cumissiun da baghegiar

Votaziuns federalas dils 13-02-2022 mira pagina 3 da quest FUS

L'urna ei aviarta (en canzlia communal)
gievgia e venderdis mintgamai duront las uras da spurtegl
dumengia, ils 13-02-2022, dallas 10.00 – 11.00 uras

Sonda e dumengia, ils 12 e 13 da fevrer 2022 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 04-02-2022

Biro electoral

ELECZIUNS COMMUNALAS 2022

Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials communalas inoltrau lur demissiun sin ils 31 da schaner:

a) Suprastonza communalala

Candinas Armin, Rabiun	president communal
Bearth Giusep, Sumvitg	gerau
Berther Flurin, Rabiun	gerau
Candinas Robert, Surrein	gerau
Duff Marcus, Cumpadials	gerau

b) Cumissiun da quen e gestiun

Schnoz Manuela, Rabiun	presidenta
Vincenz Rafaela, Sumvitg	commembra

c) Cumissiun da baghegiar

Beer Davide, Rabiun	president
Veckmans Sonia, Sumvitg	commembra

Officials che han buca demissiunau

Ils suandonts officials han buca demissiunau e valan consequentamein sco proponi tenor art. 21 dalla lescha da votaziuns ed elecziuns:

a) Cumissiun da baghegiar

Forster Ulrich, Surrein
Monn Erwin, Sumvitg

b) Cumissiun da quen e gestiun

Damiano Michele, Rabiun

Nominaziuns novas

Tenor art. 21 dalla lescha da votaziuns ed elecziuns san ils vischinadis ni gruppaziuns da silmeins 15 votants far nominaziuns da candidats per scadin post che stat en elecziun. Tuttas propostas per la gliesta officiala ein d'inoltrar a scret all'administraziun communalala entochen ils **15 da mars**. Sin giavisch tarmetta l'administraziun tier ad interessents ni gruppaziuns gliestas per nominaziuns. Scadina proposta sto vegnir inoltrada cun la gliesta officiala. Las elecziuns ein fixadas sin dumengia, **ils 10 d'avrel 2022**.

Mintga vischin proponiu sto vegnir orientaus digl'emprems sutsignau dalla gliesta ch'el vegni proponius sco candidat per in uffeci e sto confirmar quei cun sia sutscriziun. Las candidaturas ston mintgamai cuntener num, prenum, onn da naschientscha, liug e professiun dil nominau.

Ulteriuras demissiuns

Da uffecis che vegnan buca elegi all'urna han las suandontas persunas demissiunau sin ils 31 da schaner:

a) Cumissiun da meglieraziun

Maissen Theo, Sevgein

	president
--	-----------

b) Cumissiun donaziun Greina

Cajacob Alice, Sumvitg

	commembra
--	-----------

c) Cumissiun da perimeter

Schmid Franz, Glion

	president
--	-----------

d) Biro electoral

Schnoz Manuela, Rabiun

	commembra
--	-----------

Uffeci civil Surselva

Mortori

Duff Lothar, naschius ils 03-01-1938, morts ils 24-01-2022, staus sesents a Sumvitg.

Sumvitg, 04-02-2022

Controlla da habitonts

Serrada via Val Sumvitg

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 04-02-2022

Departament traffic

Societad da musica Sumvitg/Cumpadials

Revista da giubileum

Preziadas convischinas e prezias convischins. Cunquei che nossa fiasta da giubileum da 125 onns ha stuiu vegnir annullada, havein nus midau igl intent da nies cudischet da fiasta en ina pintga revista dils davos 125 onns da nossa societad. La distribuziun en Vossas scaffas da brevs ha giu liug las davosas jamnas. Haveis Vus forza buca survegniu in cudischet ed haveis interess dad era dar in sguard, astgeis bugen s'annunziar tier:

melanie_cajacob90@hotmail.com ni 079 465 08 60. Nus giavischein a Vus tut bien, bia plascher da sfegliar en reminiscenzas d'antruras e sin bien seveser.

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi dueiesser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun. **Obligaziun ei il certificat Covid tenor prescripziun dalla Confederaziun**

Liug: «Ustria dalla Staziun», 7176 Cumpadials

Datum: venderdis, ils 11 da fevrer 2022, allas 12.00

Annunzias: Ein da far entochen mesjamna-sera tier «Ustria dalla Staziun», Cumpadials, tel. 081 943 19 22

Cuorsa da skis per in e scadin ella Péra

Datum: **13-2-2022**, partenza allas 11.00

Informaziuns sut www.runalpera.ch, annunzias sut 079 475 91 89 ni direct el «Refugi».

Cordialmein envida *Runal Péra SA*